

ment de ne manger l'epigastre ou le suoin du porc: au contraire la Loy 'diuine ne ² vouloir que le peuple Hebreu mangeast de ces deux animaux, d'autant qu'elle les tenoit pour viande impure & immonde, de mesme aussi i'ay veu quelques vns qui n'eussent mangé pour chose du monde des Glirons, & d'autres, qui renuersoyent & fouilloient les edifices champêtres pour les y trouuer cachez, tant-ils en estoient friands.

² Au Levit-
que c. 10. Et en
Isaie c. 65.
Et Deut. c. 14.

Des Taupes, Mustelles, Furets & Chats.

SECTION IX.

TH. Quelle chose suit de pres la nature des Rats? MY. La Taupe, qui est remarquable par sa cecité entre tous les animaux.

TH. Pourquoi nature luy a-elle donc baillé l'humeur vitrée & l'humeur crystalline & toutes les tuniques des yeux (hors-mis vne) & les deux nerfs optiques, si elle est aueugle? MY. Seroit ce à fin que la splendeur de la clarté du Soleil la contrainst de se retirer dans ses cavernes en luy esblouissant les tendres pellicules de ses yeux? car ceux, qui les ont fermez, ne laissent pour celà d'appercevoir la lumiere, qui s'approche, ce qu'on peut facilement experimenter, si on tourne le visage vers le Soleil les yeux estans fermez & en les couurant de la main, car ainsi on ne iuge de rien que des tenebres, comme aussi en les decourant on aperçoit quelque lumiere confuse. De là on peut

492 TROISIEME LIVRE

inger que les Taupes sont aduerties par ce
splendeur de se donner garde, qu'elles ne soyent
attrappées hors leurs tanières. Mais si nature
leur eust donné entierement l'usage des yeux,
elles n'eussent peut ni fouir la terre, ni la jeter
en haut, estans tousiours molestées de la pou-
dre, qui leur eust-remplý les yeux, & mesme à
qu'elle chose leur eust profité la veüe sous ter-
re? Quant aux autres animaux rempans, qui se
retirent dans les cauernes, cōme les Musteles,
Serpents, & Crapauds, & ausquels a esté neces-
saire de se trainer sur terre pour chercher leur
vie d'autre part que des racines, d'où viuent les
Taupes, nature ne leur a point osté les yeux,
mais aussi leur a donné avec iceux plusieurs
moyens pour se deffendre, ou la promptitude
pour s'enfouir, ou tous les deux ensemble, cō-
me aux Serpents & Mustelles.

TH. Qui sont les especes des Mustelles? MY.
La Belette blanche, le Furet, la grande Fouine
& la petite (proprement appelée Martre) le Pu-
rois, le Chat sauuage & le domestique; car ces
especes ont entre elles grand' affinité, tant à
exercer sur les Rats & Serpents vne haine mor-
telle, qu'à les poursuyure ordinairement à
mort.

TH. Pourquoi ne rapportera-on la Zibette
au rang des autres Mustelles? MY. Elle est fort
semblable au Chat, sinon qu'elle est vn peu plus
haute & plus grande que luy; dont-il est adue-
nu que pour ceste cause les Italiens l'auroient
appelée du mesme nom: les anciens l'appellent
petite Panthere ou *Pardalis*, n'estant en rien cō-
traire

taire ni aux Serpents, ni aux Rats: elle a vn trou sous sa queue, qui n'est pas loing du cul, dont on recueille ce precieux & odoriferant excrement appelé Zibette. Parquoy il faut icy interpreter de la Zibette, ce que les anciens disoyent du *Pardalis*, à sçauoir, qu'il allechoit tous les autres animaux de son odeur, & que puis apres il les deuorait: les Marchants l'amenent d'Afrique en Europe pour se bailler à certaines personnes, qui sont mestier de l'appriuoiser en le nourrissant de petits poulets & autres viandes delicieuses, & en recueillant apres doucement de ce trou avec vne petite cueilliere ce excrement, ne plus ne moins que nous faisons les ordures de nos oreilles.

TH. Mais Theophraste nie ^a qu'il y aist aucun animal, duquel l'excrement soit de bonne odeur, & mesme combien que l'excrement de la Pâthere soit plaisant aux autres bestes, neantmoins il dit qu'il est fascheux à l'homme. MY. Certainement Theophraste monstre en cecy appertement qu'il n'a iamais veu la Zibette ou la petite Panthere, & qu'il n'a iamais apperceu par son odorat, combien son excrement estoit loué. Or, qui auroit dict à l'homme, que ceste beste attire les autres par la louefuete de son odeur pour les deuorer, si l'homme mesme n'auoit apperceu par son flairer que ceste odeur est fort plaisante? Combié que, outre la Zibette, on trouue encore au plus profond de l'Afrique & des Indes vne Cheure, laquelle on appelle *Moschos*, n'ayant qu'une corne au front & les dents eminentes hors la gueule, comme vn Sanglier:

^a Au 6. l. des causes des plantes c. 16.